

## مفاتيح الرزق "70" | اسم الله الفتاح | الحلقة ( 11 )

### #إنا\_فتحنا\_لك | د. حازم شومان

حازم شومان

فتحا مبينا ليس فيه تعسرا اسماؤه الحسنى السلام عليكم ورحمة الله وبركاته. اخوانى واخواتي في الله وصلنا للمحطة السابعة في سلسلة مفاتيح الرزق وفي الكلام عن قد ايه ربنا ادانا مفاتيح. لتوسيع الرزق وزيادة الدخل وكفاية الاحتياجات. ومواجهة الاحتياجات المادية - 00:00:00

الرهيبة في هذه الدنيا قضية مهمة اوي وشاغلة ناس كتير اوي ياما ناس جالها اكتئاب بسبب قضية الرزق ياما ناس انتحرت بسبب قضية الرزق رغم ان قضية الرزق اكتر قضية تصل بالله سبحانه وتعالى والانسان اللي بيتصل بالله فعلا بيجد ان اسهل دعاء يطلبه من ربنا هو دعاء الرزق. نسأل الله ان يوسع - 00:00:30

ارزاقنا اللهم امين. آلسة لنا خمس مفاتيح من مفاتيح الرزق هنخلصهم المرة دي بازن الله سبحانه وتعالى. عشان المرة الجاية انا عايز اجيب لكم المفاتيح كلها ان شاء الله بازن الله المفاتيح كلها نراجع عليها مع بعض عشان الموضوع ده من اخطر مواضيع حياتنا يا جماعة. ده يعني استقرارك الدنيوي بيترتب عليه حاجات كتير - 00:00:50

جدا في دينك. فموضوع الرزق بيترتب عليه حاجات كمان في اخرتك. لساننا خمسة بازن الله. المفتاح الاول في هزه الحلقة اه ترك المال الحرام هل الحرام ده مصيبة! المال الحرام ده اول ما بيدخل في اي مال بيمحق البركة بتاعته. المال الحرام ده لما نقطة دم حرام بتدخل في كبد انسان - 00:01:10

ما بتطلعش وهو سليم. لما بتدخل في جسم طفل ما المال الحرام ده حاجة كارسة والعياز بالله. عشان كده المال الحرام ده كارت احمر. كارت احمر بيمعن اجاية الدعاء كما قال النبي صلى الله عليه وسلم آثم ذكر الرجل يطيل السفر ومطعمه حرام وملبسه - 00:01:30

وغذى بالحرام فاني يستجاب له؟ هيستجاب له ازاي؟ اذا كان كل حاجة في حياته حرام ويجي يقول يا رب ويقول ربنا ما بيستجبش لي ليه؟ هو واكل ورد واكل ورس اخته. اكل مال يتيم. بياخد رشوة في الشغل بتاعه. بيتعامل بالربا. بياخذ حاجات حرام. التجارة بتاعته نفسها. بيتجار في حاجات - 00:01:50

كارت حرام كارت احمر والعياذ بالله لخير الدنيا ولخير الآخرة كمان كما قال النبي صلى الله عليه وسلم كل لحم نبت من النار اولى به. النار اولى به. يعني يعني كمان الجنة تحرم عليه. يعني مش رزق الدنيا بس يقل. بسبب المال الحرام ورزق - 00:02:10

الآخرة كمان اللي هي الجنة. فالنار اولى به. المال الحرام ده كارت احمر. قبول العمل بيرفض بسبب المال الحرام. عشان كده النبي عليه الصلاة والسلام كان يدعى قل الله اني اسألك علما نافعا ها ورزقا طيبا وعملا متقبلا. ليه قبل ما يقول عمل متقبل؟ اقبل عملي؟ كان يقول رزقا طيبا رزقا - 00:02:30

حلال لان لو الطاقة اللي انت عملت بها الاعمال طاقة حرام ربنا يستجيب العمل ازاي. انا قمت الليل بس الاكل اللي اتعشيت به اكل حرام الطاقة اللي قمت بها الليل طاقة حرام. فالنبي طلب من الله الرزق الحال قبل ما يطلب من الله. قبول الاعمال. بيمعن اجاية الدعاء - 00:02:50

يمنع قبول الاعمال بيكفل الرزق بتاع الدنيا بيمعن الرزق بتاع الآخرة كارت احمر والعياذ بالله. الشيخ الشعراوي له قصة لا انساها ابدا كان يعني زمان بقى اوبي يعني وهو في شبابه ومتعين مدرس في مدرسة وكان له واحد زميله بيقول بيشتكي على طول من ضيق الرزق وانه مش مكفي احتياجات عياله - [00:03:10](#)

وان الدنيا بقت غالية فبيقول مرة الشيخ الشعراوي يعني زميله دوا مروح لا بيأخذ دفاتر واقلام وورق من بتاع الحكومة فبيقول له انت بتاخذ ده ليه ؟ قال له ولادي - [00:03:31](#)

هيزاكرروا في ايه ويكتبوا في المدارس في ايه فانا باخد ده قالوا بالزات حرام ده مال عام. والمال العام اشد حرمة من المال الخاص. اللي بيسرق بينشل محفظة واحد ده سرق - [00:03:41](#)

بني ادم انما اللي بيسرق مال عام ده سرق مية مليونبني ادم. هيلاقني ميت مليونبني ادم مستنبينه على القنطرة يوم القيمة. فدي مصيبة المال العام ده مال عام ازاي تسرقه؟ فقال له لأ اسرقه ازاي ؟ ومين قال ان هو حرام المهم وبعد فترة لقى الشيخ الشعراوي بيقول لأ الرجال جاي له صاحبه المدرس وفرحان جدا بيقول - [00:03:51](#)

يا اخي انا انا كلامك اثر في ما انتش عارفة الكلمة الطيبة اللي هتقوليهها. وكلمة الدعوة الى الله اللي انت هتقولها هتجيب نتيجة امتي ؟ بذرة بترميها. وربنا اللي فيها ويخليها شجرة. الم تر كيف ضرب الله مثلا كلمة طيبة كشجرة. الكلمة الطيبة دي بذرة بقت شجرة طيبة ازاي ؟ ربنا بيرعاها. فبيقول للشيخ - [00:04:11](#)

انا انا فعلا قررت اسيب الورق الحكومي والاقلام الحكومية والدفاتر الحكومية ومن يوم ما بطلت امد ايدي على المال العام ده وانا ربنا بقى عندي بركة غريبة في بيتي وبركة غريبة في اكري. وبركة غريبة في المرتب بتاعي. المال حرام ربنا بيمحك بالبركة. عشان كده ليه الوقت البركة - [00:04:31](#)

خرجت ولم تعد لان كثير من الناس دلوقتي للاسف الشديد بقى عايش على المال حرام سيدنا علي بن ابي طالب دخل مسجد من المساجد في العراق فالفرح بتاعه هيسيبيه فين ؟ فاستأمن طفل قال له آآ غلام كده قال له امسك الخطام بتاع الفرس الحبل بتاع الفرس عم بس اصلی واخرج. فالغلام - [00:04:51](#)

قال له ماشي فسيدنا علي بن ابي طالب دخل صلى خارج لقى وقام حاطط دينار دهب يعني حوالي الفين جنيه. مبلغ بقى سيدنا علي بن ابي طالب فقام حاطط دينار دهب - [00:05:11](#)

عشان ايه يديه للغلام جزاء امانته. خارج ما لقاش الغلام ولا لقى الخطام بتاع الفرس الحبل ولقى الفرس واقف لوحده. الغلام سرق الخطام وهرب سرق الحبل وهرب والحبل ده يساوي ذي الوقت كده اللي قطاعين الطرق اللي بيسرقوا السلبة بتاعة العربيات الربع نقل. وبعد كده بتاع العربية بقى يجري يدور عليه ويساومه - [00:05:21](#)

وبقى تجيب لي تلتزمت جنيهه واديه لك يعني الحاجات دي لها قيمة. فسيدنا علي بن ابي طالب بعت واحد قال له اذهب الى السوق واشتري لي خطام للفرس راح جاب له نفس الخطاب بتاعه. قال له اشتريته بكم ؟ قال له اشتريته بدینار. سيدنا علي بن ابي طالب قال كلمة خطيرة. قال اردت ان اعطيه الدينار في الحال - [00:05:43](#)

فابي الا ان يأخذه في الحرام. الغلام راح بيع الخطام في في السوق فسيدنا علي بن ابي طالب بعت. قام بايع للبي سيدنا علي بن ابي طالب باعه وباعه بالدينار. الدينار اللي كان هيأخذه اصلا جزاء امانته. في الحال خده في الحرام والعياذ بالله. عشان كده بتأسر في قوي قول الله سبحانه وتعالى - [00:06:03](#)

آآ آآ تأييهم واسأله عن القرية التي كانت حاضرة البحر زي اسكندرية كده بلد على البحر وحضارة وربنا فتح في الرزق واسأله عن القرية التي كانت حاضرة البحر. اذ تأييهم حيتانهم يوم سبتمهم شرعا. ويوم لا يسبتون لا تأييهم - [00:06:23](#)

آآ هم حطوا الشبك يوم الجمعة اصطاد يوم السبت شالوا الشبك يوم الحد. فهم اصطادوا يوم السبت ولكن هم بيتحالوا على الله فربنا بيقول استائين مش استائينهم الحيتان يوم سبت اذ تأييهم حيتانهم. حيتانهم يعني ايه ؟ ده بتاعتهم - [00:06:43](#) لو كانوا صبروا عنها في الحرام كانت جات لهم في الحال. اوعي تفتكر انك لما خدت فلوس حرام انت خدتها من ربنا غصب عنه

سبحانه وتعالى. اوعى تفتكر انه ربنا ان فيه حد هيأخذ حاجة مش رزقه. فاللي خدده صاحب المال الحرام ده كان رزقه لو كان استنى  
كان خدده في الحال شفته استأتم - 00:07:00

حيطانهم هي بتاعتهم. قال لها امال بقت حرام ليه لانه خدتها بطريقه حرام؟ لو كان صبر كان ربنا اداها لهم واداهم الاكتر منها كمان  
في الحال. سبحان الله العظيم يبقى اول حاجة يا جماعة ترك المال الحرام. من ترك شيئاً لله عوضه الله خيراً منه. ومن يتقد الله يا  
شباب ومن يتقد الله يجعل - 00:07:20

له مخرجاً ويرزقه من حيث لا يحتسب. اللي هيتفقى الله انه يسيب الشغلانات الحرام اللي بتتعرض عليه. تلاقي شاب واقف في  
الشارع وبيبيع سجاير. يا ابني حرام يا حبيبي حبيبي ده انت ده على حساب ان ناس يجي لها سلطان. وجاهة حرام  
انت ازاي تقبل ده على نفسك؟ تلاقي واحد صاحب سوبر ماركت اللهم بارك بيكسب له كذا الف في - 00:07:40

وتلاقي عامل ركن سجاير بتدخل الحرام في مالك ليه؟ نقطة دم حرام واحدة تدخل جسمك ولا جسم. حد من حبابيك مش هتخرج  
وهو سليم تلوث المال الحال بالحرام والعياذ بالله؟ وليه تستعجل على اللي ربنا هيده لك في الحال وتاخده بالحرام؟ يبقى ده  
المفتاح الاول مفتاح ترك المال - 00:08:00

حرام المفتاح الثاني النهاردة مفتاح السعي. ياه! السعي ايوة يا جماعة. كل المفاتيح اللي انا قلتها في السبع حلقات اللي هي منهم دي  
واللي كل المفاتيح اللي انا قلتها كلها معها السعي. اوعى تفتكر انك هتتصلي على الرسول عليه الصلوة والسلام - 00:08:20  
وتقعد في بيتك ما تسعاش. لو في ايديك اسباب لازم تاخدها. يا جماعة اكترا واحد اخذ بالأسباب في الدنيا هو النبي عليه الصلوة  
والسلام. ودي نقطة انا عايز نصلح مفاهيمنا فيها - 00:08:38

كملتزمين وكملتزمانات يا جماعة السعي. يا اخوانا الشغل الشغل ده شرف. الشغل ده من اسباب رزق الله للعبد. ان ربنا يرضي عنك انك  
تشتغل النبي عليه الصلوة والسلام كان اكترا واحد في الدنيا بياخد بالأسباب. في غزوة احد الصحابة كلهم كانوا لابسين درع واحد.  
النبي عليه الصلوة والسلام ظاهر بين درعين كان لابس زرعين - 00:08:48

ليه هو النبي كان خايف على نفسه يموت؟ لأ ده لما كل الجيش فر النبي هو الوحيد اللي فضل عليه الصلوة والسلام. والرسول يدعوكم  
في اخراكم كله بيجرى والنبي في مؤخرة الجيش بيقول لهم تعالوا ارجعوا للجنة ارجعوا في سبيل الله. فالنبي عليه الصلوة والسلام  
مش خوف. ولكن النبي علمنا الاخذ بالأسباب عليه الصلوة والسلام. ده النبي ربط - 00:09:08

البراق في الحلقة اللي كان بيربط فيها الانبياء الدواب بتاعتهم في بيت المقدس النبي عليه الصلوة والسلام ربط البراق اللي هو معجزة  
اصلا من ربنا. شفتم النبي في الهجرة عمل ايه - 00:09:28

واحد بالأسباب قد ايه عليه الصلوة والسلام. واللي يخفي الاسرار ورا اقدم النبي عليه الصلوة والسلام. والسيدة اسماء حامل ما حدش  
هيشك فيها. حامل في الشهر التاسع. هي اللي توصل - 00:09:41

الاكل وواحد خريج هو اللي يقول للنبي عليه الصلوة والسلام الطريق والنبي خد طريق للهجرة عكس الطريق المأهول تماماً والنبي  
يمشي للجنوب. بدل ما يمشي للشمال ويقعد في الغار تلات تيام اما يقولوا خلاص ان هو سبق للشمال النبي عليه الصلوة والسلام خد  
باسباب رهيبة. وخرج في وقت الزاهرة اللي ما حدش - 00:09:51

ان حد يسافر فيه ابداً وخرج من غير دابة في اول السفر عشان ما حدش يقول ان هو ماشي رايج مشوار. النبي عليه الصلوة والسلام  
يا جماعة خد باسباب رهيبة - 00:10:08

في الهجرة عليه الصلوة والسلام ولما السرقة بقى قدر رمحين من النبي عليه الصلوة والسلام النبي قال اللهم اكفناه بما شئت قلبه  
متعلق بالله. النبي عليه الصلوة والسلام وهو داخل فتح مكة كان ضمن الكاتبة الخضراء اللي هي كاتبة المهاجرين والانصار. اعلن ناس  
توكل وكانوا متطرسين بالحديد. من مفرق رأسهم حتى اخمص قدميهم - 00:10:18

لا يظهر الا اعينهم. النبي عليه الصلوة والسلام علمنا ان كل ما توكلك يزيد كل ما تاخده بالأسباب. الایمان والتوكلا لا يتنافي مع الاخز  
بالأسباب. اشتغل اسعي امش في مناكب - 00:10:38

وكلوا من رزقه امشوا وكلوا ربنا ربط السعي بالرزق من عند الله سبحانه وتعالى. عشان كده حتى الحديث اللي ختمت به الحلقة اللي فاتت الحلقة الساتة وانا باكلمكم عن التوكل هو نفسه دليل على السعي. لو انكم تتوكلون على الله حق توكله. لرزقكم كما يرزق الطير  
اهو - 00:10:48

يبقى توكل وبس. استنى تغدو خمامصة وتروح بطانا. كلمة تغدو وتروح. يعني بتسعى على رزقها. ايوة ربنا ميسرا لها كل حاجة بس هي بتروح وبتتجي. يعني بتسعى على رزقها وبتتحرك عشان رزقها - 00:11:08

احد يعني الشباب آآآ ايام السلف يعني كان قعد في الجامع يعبد ربنا بس وخلاص فشيخه اتضائق منه ليه ما بيخرجش يستغل فقال له يا شيخي لقد رأيت اية من ايات الله. قال له مازا رأيت؟ شفت ايه؟ قال له رأيت غراب اعمى. غراب اعمى. لا يرى فقل - 00:11:23

يهلك لانه لا يستطيع ان يأكل او ان يبحس عن معاشه. فوجدت غرابة مبصرا يأتي بالطعام في فمه ليطعم الغراب الاعمى. سبحان الله سبحان الله! شفت الغراب الاعمى ربنا بعث له اللي يأكله شيخه قال له حته كلمة. قال له يابني ولما رضيت ان - 00:11:43  
انت الاعمى. طب ما تبقى الغراب المنصر. اللي يأكل اللحمة. ليه تبقى انت الغراب الاعمى اللي مستني حد بييجي يأكله؟ ولما رضيت ان تكون انت الاعمى؟ كلمة جباره اللي يفهم عشان كده سيدنا عبدالرحمن بن عوف لما هاجر للمدينة المنورة رضي الله عنه وارضاه.  
فالنبي اخي بينه وبين اغنى واحد في المدينة مالتي مليونير - 00:12:03

اسمه سعد ابن الربيع الانصاري رضي الله عنه وارضاه. فسعد بن ربيعة قال له اقسم ما لي بيبي وبيبيك. انا عندي عشرة مليون خد خمسة مليون ولا خمسة مليون تبقى مليونير في لحظة. اقسم - 00:12:23

ويتكلم بجد مش بيهزэр. انا عندي عشر فدادين خد خمس فدادين وانا خمس فدادين. عندي بيتبين خد بيت وانا بيت عندي عشر عبيد خد خمس عبيط وانا خمس عبيط. اقسم ما لي - 00:12:33  
وبيبيك فقال بارك الله لك في مالك ولكن دلني على سوق المدينة. شف الكلام الجميل. شف فكر الصحابة في حياة النبي عليه الصلاة والسلام. راح السوق وكسب وبقي اغنى من سعد ابن ربيع الانصاري وبقي ملطف مليونير. ما رضاش انه يبقى الغراب الاعمى. ما يرضاش ان هو اللي يفضل قاعد مكانه وغيره وهو اللي يصرف عليه. يبقى لازم تشتعل - 00:12:43

لازم نشتغل ما قعدتك على القهوة انت بقى لك كم سنة قاعد على القهوة ولو قعدت عشر سنين كمان على القهوة ما فيش حاجة من مشاكل حياتك هتتحل. شباب الوقت ملابسين قاعدين على القهاوي - 00:13:03

مستنيين باب السما يتفتح ويقع عليهم عقد عمل او فرصة هجرة بدون اي اسباب وبدون سعي اسعى يا ابني على رزقك اسعى ان الله يساعد الذين يساعدون انفسهم كما قال حبيب الله محمد عليه الصلاة والسلام في حديث باحبه او في الحديث ده يا جماعة. باحبه وباحس ان هو من الحديث اللي بتنصر للامة كلها. الطريق والتوازن - 00:13:13

في الحقيقة قال رسول الله صلى الله عليه وسلم المؤمن القوي اللي جسمه قوي اللي دخله قوي اللي ومهنته في مهنته قوي اللي في سعيه قوي المؤمن القوي خير واحب الى الله من المؤمن الضعيف - 00:13:33

اللي قاعد يقول اجيبي منين واعمل ايه؟ قليل الحيلة فالنبي عليه الصلاة والسلام طب ابقي مؤمن وفي كل خير فالنبي عليه الصلاة والسلام بيقول لك طب ازاي تبقى مؤمن قوي؟ قال احرص على ما ينفعك اعرف مصلحتك. يا ابني اعرف مصلحتك يا ابني قعدتك على القهوة مش في مصلحتك. نص اصحابك اللي انت مصاحبهم - 00:13:50

يعوق وبيبردوا دمك تجاه قضية السعي وقضية الرزق. عيب ان شنبك طلع وبتمدد ايدك لابوك وتاخذ مصروف منه. عيب يا ابني انزل انزل وربنا هيفتح عليك ذي ما الوف مؤلفة انا بموت من الفرح. اما يجي لي في درس من الدروس في المسجد شاب الاقيه طالب جامعة او طالب سانوي شغال. بقى فعلا ممكن ابوس راسه - 00:14:06

فرحتي به راجل يا ابني انزل الدنيا بدري. المؤمن القوي خير واحب الى الله من المؤمن الضعيف. وفي كل خير. ربنا اداك خير. تبقى ضعيف ليه؟ استمر الخير اللي ربنا اداه لك. احرص على ما ينفعك. يلا وقتكم انت اولى بوقتك يا ابني. اسعى يا ابني على مصلحتك.

زاكرا اسعي. اشتغل - 00:14:26

بالله ولا تعجز. النبي عليه الصلاة والسلام قال استعن بالله مش مش قبل احرص على ما ينفعك. احرص على ما ينفعك الاول. زاكرا  
واشتغل الاول. وبعد كده قل يا رب - 00:14:46

انما اقول يا رب وانا قاعد مكانى لـأ. واستعن بالله ولا تعجز لما يبقى بيتسد ما تيأسش. دور ان شاء الله الف ما بيتسد. ربنا يفتح لك  
الباب اللي احسن لك - 00:14:56

ولما تلاقي باب اتسد اعرف ان ربنا عاين لك باب اعزم لو كنت رضيت بالباب الاقل كان الباب الاعزم ما اتفتحش. ولا تعجز ولا تقولن  
لشيء لو اني فعلت لكان كذا ولكن قدر الله وما شاء فعل. امتنى قلنا قضاة وقدر لما سعيت وحافت ودعوت وحافت ميت محاولة  
وخطبت على ميت باب وما جاش - 00:15:06

الرزق ساعتها بقى والقدر. انا قدر ربنا ان انا ابقي فقير. قدر ربنا ان انا ابقي مسكسن. قدر ربنا ان دخلي يبقى على قدي. انما هل انت  
طبقت التلات حاجات الاول؟ قبل ما تقول انا - 00:15:26

وعلى قد حالي او معبيش. انت الاول انت حرصنت على ما ينفعك. انت الاول نزلت واشتغلت واستعن بالله. صليت وعيطت لربنا  
ومديت ايديك لربنا ولا تعجز دورت على ميت باب مش باب ولا اتنين ولا تلاتة. ساعتها في الاخر تقول قضاة وقدر. باحب انا الحديـس  
ده اوـي يا جمـاعة - 00:15:36

يعني عايـز اقول لكم ان السـعي من اعـظم اسبـاب الرـزق وان الخـمسـة وعشـرين بـابـ. غيرـه اللي اـنا قـلـتـهـمـ في السـبعـ حلـقاتـ والـلـيـ  
هـارـجـعـهـمـ لـكـمـ. ان شـاءـ اللهـ فيـ الحـلـقـةـ الجـاـيـةـ - 00:15:54

في خـتـامـ سـلـسـلـةـ مـفـاتـيحـ الرـزـقـ باـذـنـ اللهـ سـبـحـانـهـ وـتـعـالـىـ عـايـزـ اـقـولـ لـكـمـ انـ الخـمـسـةـ وـعـشـرـينـ بـابـ اـقـفـ  
عيـطـ لـربـناـ وـرـحـ للـدـكـتـورـ وـشـفـ عـلـاجـكـ. عـايـزـ تـنـجـحـ اـقـفـ عـيـطـ لـربـناـ وـانـزـلـ اـشـتـغلـ. وـانـزـلـ زـاكـرـ. يـعـنيـ الـاتـنـينـ معـ بـعـضـ رـبـناـ يـرـفـعـكـ فـوـقـ -  
00:16:04

الـدـنـيـاـ كـلـهاـ. اـنـمـاـ تـاخـدـ بـسـ بـاسـبـابـ السـمـاءـ مـنـ غـيـرـ اـسـبـابـ الـأـرـضـ. دـيـ مـشـ حـكـمـةـ. هـوـ رـبـناـ مـاـ بـنـاشـ الـحـيـاـةـ. عـلـىـ هـذـاـ. يـبـقـيـ دـهـ السـبـبـ  
المـفـتـاحـ التـانـيـ. يـبـقـيـ خـدـنـاـ لـحـدـ النـهـارـدـةـ مـفـتـاحـينـ - 00:16:24

مـفـتـاحـ تـرـكـ الـمـالـ الـحـرـامـ وـمـفـتـاحـ السـعـيـ. المـفـتـاحـ التـالـتـ الـلـيـ هـنـاـخـدـهـ النـهـارـدـةـ الـعـمـرـةـ اللـهـ اـكـبـرـ! شـفـتـمـ يـاـ جـمـاعـةـ! الـعـمـرـةـ دـلـوقـتـيـ مـقـفـولـةـ!  
يعـنيـ النـاسـ الـلـيـ بـتـرـوـحـ بـتـرـوـحـ بـالـرـاحـةـ وـقـاعـدـاتـ بـسيـطـةـ! يـعـنيـ مـشـ وـلـكـنـ اـزـمـةـ وـهـتـعـدـيـ بـاـذـنـ اللهـ سـبـحـانـهـ وـتـعـالـىـ - 00:16:34

وـفـيـ لـحـزـةـ الـبـابـ بـيـتـفـتـحـ وـفـرـجـ رـبـناـ بـيـبـيـجيـ فـيـ لـحـزـةـ. لـازـمـ الـفـكـرـ دـهـ يـبـقـيـ عـنـدـكـ وـيـبـقـيـ عـنـدـكـ. اـعـمـلـ صـنـدـوقـ فـيـ الـبـيـتـ. حـوـشـيـ فـيـهـ.  
طبـ اـحـوـشـ اـزـايـ يـاـ عـمـ دـهـ اـنـاـ اـقـصـىـ حـاجـةـ اـحـوـشـهـاـ مـيـتـ جـنـيـهـ فـيـ الشـهـرـ - 00:16:50

مـسـلـاـ بـعـدـ اـحـتـيـاجـاتـ الـحـيـاـةـ يـاـ بـنـتـيـ حـوـشـيـ حـوـشـ. مـاـ اـنـتـاـشـ عـارـفـ الـبـابـ هـيـتـفـتـحـ اـمـتـيـ. وـرـبـناـ هـيـعـيـنـكـ لـوـ اـنـتـ فـعـلـاـ بـتـسـعـيـ بـالـاـسـبـابـ  
الـمـتـاحـةـ. رـبـناـ هـيـعـيـنـكـ عـلـىـ قـدـرـهـ لـمـ اـنـتـ تـسـعـيـ عـلـىـ قـدـرـكـ رـبـناـ يـعـيـنـكـ عـلـىـ قـدـرـهـ. الـعـمـرـةـ دـيـ مـنـ اـكـتـرـ الـاـسـبـابـ الـلـيـ الـوـاحـدـ شـافـ فـيـهـ  
الـرـزـقـ فـيـ حـيـاـتـهـ. اـحـدـ اـخـوـانـاـ مـنـ الدـعـاءـ اـلـلـهـ وـمـنـ اـحـبـابـيـ فـيـ اللـهـ يـعـنيـ - 00:17:00

كـانـ فـيـ الـعـمـرـةـ وـهـ دـكـتـورـ عـلـاجـ طـبـيـعـيـ. كـانـ فـيـ الـعـمـرـةـ وـكـانـ مـاـ عـهـوشـ غـيـرـ حـوـالـيـ تـلـتـمـيـتـ رـيـالـ. فـرـاحـ حـوـالـيـ عـشـرـةـ خـمـسـتـاـشـرـ وـاحـدـ  
مـنـ اـصـحـابـاـنـاـ نـزـلـوـاـ عـلـيـهـ فـيـ الـعـمـرـةـ هـوـ يـعـنـيـ قـالـوـاـ لـهـ اـكـلـنـاـ بـقـىـ وـهـوـ مـنـ النـوـعـ الـلـيـ مـاـ شـاءـ اللـهـ عـنـدـهـ سـخـاءـ نـفـسـيـ وـالـلـهـ هـاـسـيـبـهـ. قـامـ  
نـازـلـ جـاـيـبـ لـهـمـ مـنـ الـبـيـكـ بـالـرـيـالـاتـ الـلـيـ باـقـيـةـ مـعـهـ وـقـامـ مـأـكـلـهـمـ كـلـهـ - 00:17:20

دـهـ اـحـنـاـ فـيـ لـيـلـةـ وـتـرـيـةـ فـيـ رـمـضـانـ وـاـيـهـ وـفـطـرـ النـاسـ عـلـىـ حـسـابـكـ وـهـوـ مـأـكـلـهـمـ. يـبـقـيـ وـقـمـتـ رـايـحـ الـحـرـمـ قـاعـدـ فـيـ رـكـنـ لـوـحـديـ بـعـيدـ  
عـنـهـمـ خـالـصـ. وـمـشـ وـاـخـدـ بـالـيـ اـنـاـ قـاعـدـ وـسـطـ فـوـجـ مـنـ - 00:17:40

آـآـ مـنـ دـوـلـةـ عـرـبـيـةـ قـاعـدـ غـيـرـ مـصـرـ يـعـنـيـ. آـآـ قـاعـدـ. فـهـوـ يـبـقـيـ قـاعـدـ. فـوـاحـدـ مـنـ الـفـوـجـ الـعـرـبـيـ دـهـ الـخـلـيـجـيـ بـيـتـعـرـفـ عـلـيـهـ فـعـرـفـ اـنـ دـكـتـورـ  
عـلـاجـ طـبـيـعـيـ. قـالـ لـهـ طـبـ اـنـاـ عـايـزـ اـعـمـلـ حـجـامـةـ. مـاـ تـيـجيـ تـعـمـلـ لـيـ حـجـامـةـ. قـالـ لـهـ مـاـشـيـ. فـبـيـقـوـلـ رـاحـ يـعـمـلـ لـهـ حـجـامـةـ - 00:17:50  
الـحـجـامـةـ بـحـوـالـيـ تـلـتـمـيـتـ رـيـالـ. اـكـتـشـفـ اـنـ دـهـ سـكـنـ عـمـارـةـ كـلـهاـ فـوـجـ وـاحـدـ. كـلـهـمـ قـالـوـاـ لـهـ اـعـمـلـ لـنـاـ حـجـامـةـ. يـبـقـيـوـلـ لـيـ خـارـجـ مـنـ الشـقـةـ

في كذا ساعة معي تلات تلاف ريال - 00:18:06

تلات يعني كمان عمل لهم ديسكاونت متين ريال للفرد خارج معه تلات تلاف ريال بعدها واحد تاني تاجر عرف برضه في الحرم.  
سبحان الله العزيم برضو ربنا جعله باب رزق ليه لما راح يعمل له حجامة؟ ربنا قادر يا اخواننا. رجع بالثلاث تلاف ريال قام عازمهم -

00:18:19

بقى عزومة تاني في رمضان برضو. العمرة لها رزقها يا اخواننا العمرة يعني حد من اخوانني واحبابي قاعد ورا الكاميرا الوقتي وانا بتكلم معكم. واحد من اخوانني واحبابي سبحان الله كان معنا في عمرة وماشي في اخر يوم في العمرة نفسه - 00:18:34  
بقى هدية لولاده لزوجته. كلنا كده واحنا راجعين عايزين نجيب هدايا. والعمرات دائمًا نقلات اقتصادية في حياتنا. والله. مش ممكن مش في لحزرتها. ولكن لما بنرجع بنلادي ابواب رزق افتتحت ما كنتش موجودة. سبحان الله العظيم! يعني يعني دائمًا العمرة كده بنسافر بالعافية اما بتكمel فلوس التزكرة فلوس التأشيرة - 00:18:49

ترجع تلاقي ربنا سبحانه وتعالى فاتح لك ابواب الرزق. فهو ماشي اخر يوم مع بعض اخواننا واحبابنا يعني. فهو قعد يفكر طب اجيب فلوس منين؟ ما عبيش فلوس اجيب لهم هدايا. اقابل واحد - 00:19:09

من خمس سنين هو يعني صاحبي صديقي ده هو من خمس سنين كان شغال في السعودية مصور. وساب السعودية من خمس سنين وشغل هنا. فقابل واحد من خمس سنين ما شافوش فيسلام عليه قال له ده انت لك معى مبلغ. قال له مبلغ ايه؟ قال له كان في اوردر تصوير من اربع - 00:19:19

خمس سنين انت عملت وما خدتsh حسابه. الرجل بقى يعني امين فقال له الربعمية ريال بتوع الاوردر اهو. خد الربعمية ريال جاب هدايا ورجع الله الرزاق يا جماعة العمرة دي من اسباب الرزق. العمرة دي من اسباب فتح الله بالرزق ليه يا اخ من اخوانني حبيبي جدا يعني مهندس كمبيوتر يعني متميز جدا في العالم - 00:19:39

كمان يعني مش بس على قد مستوى مصر آآآ كان يعني سبحان الله العزيم كان في السعودية بيشتغل وزوجته قعدت كذا سنة ما تخلفش فمش عارف يعمل ايه وكان هيعلم يعني تقريبا طفل انانبيب او حاجة زي كده. وما كانش معه فلوس يعني. فكلم حد من اخوانى الدعاة. فقال له اعمل طفل انانبيب قال له انا لو مكانك اطلع - 00:19:59

اعمل عمارة دلوقتي بيقول لي كان بيتصل بي في التليفون بيقول لي لأ تعاملت عمارة وقعدت ادعى ربنا بالرزق في الذرية بيقول لي فورا مراتي حملت بعدها. فيكلمني في التليفون بيقول لي انا مش فرحان بالعيش. انا فرحان ان انا لي رب رزاق. انا فرحان ان انا لي - 00:20:18

لما رحت له بيته اداني. اداني اللي انا كان نفسي فيه ارزاق يا جماعة والله احنا شفنا ايات من الرزق في قضية العمرة انا كان يعني يعني عمرات كتير بينهم عمرة خلص الفلوس اللي معى وماشي قاعد ادعى ربنا كنت في العشرة الاواخر من رمضان قاعد ادعى ربنا في الرزق العمرة - 00:20:37

انا سكت بالدعاء وركبت المواصلات في الليالي في صباح الليالي الورتية اللي ملابسين خارجين من الحرم بالدعاء. وكلت وشربت بالدعاء والله لك الحمد داخل الحرم قابلت واحد اعرفه. فواحد صديقي يعني معك فلوس ما عكش فلوس طب خد المبلغ ده. المبلغ فضل معى خلص - 00:20:55

كان معى واحد من اخوانى اللي معى باصرف علي انا وهو. المبلغ خلص نازل من سلم كده يعني سلم في في الحرم. لقيت واحد نايم على الارض جاري خد المبلغ ده سبحان الله العظيم! العمرة من اسباب رزق الله سبحانه وتعالى! وياما شفنا ايات العمر قد ايه ربنا بيرزق بسبيها! ويشفى بسبيها! قبل كده عملت عمرة اسمها - 00:21:15

الغنى والعاافية ليه؟ عشان اقول للناس ان الغنى والعاافية العمرة بتجيهم كفاية حديس النبي عليه الصلاة والسلام تابعوا بين الحج والعمره يعني من حج العمرة ومن عمرة الحج. فانهما ينفيان الفقر. الفقر ده هيروح في المنفى هيتنف - 00:21:35  
من حياتك تبقى راجل ثري. فانهما ينفيان الفقر والذنوب. كما ينفي الكبير فرن الحديد المرعب. خبث الحديد خبس الحديد شواب

الحديد دي بتبقى ماسكة في الحديد. جدا في يحتاجوا افران مرعبة درجة حرارتها مرعبة. كان لو الفقر ماسك فيك كده هو لو الزنوب  
ماسكة فيه - 00:21:52

كدهو ربنا يخلصك منها بالعمره. المفتاح الرابع في حلقة النهاردة الجواز يا راجل! يعني يعني الناس كلها يا جماعة فاكرة ان الجواز  
سبب للفقر! والجواز سبب انك تصرف اللي وراك واللي قدامك! والله العزيم الكلام ده غلط - 00:22:12  
والله يا اخوانا طب ما انا متجوز ومش لاقني. يا حبيب قلبي انت قبل الجواز كان دخلك الفين جنيه في الشهر. انت الوقتي دخلك  
خمسة اشرالف بس مسؤوليات الحياة زادت عليك. انت بس - 00:22:29  
الخمسين كيلو اللي انت زدتهم ازاي؟ ما ده زدت رزق من الله سبحانه وتعالى. جبتهم منين؟ انت كنت قبل الجواز كنت  
وانتم معدى تروح تضرب لك شقة فول - 00:22:39

الطعمية تروح تناام. الوقتي بفضل الله رزقك زاد واكلك زاد. واولادك وكل عيل بيجي برزقه. اللي يقول لكم العيل ما بييجيش برزقه. ده  
كدا. قولوا له الخراson اللي بيتكلموا كلام سوء الزن على الله سبحانه وتعالى. العيل بييجي برزقه. والجواز بييجي برزقه. وكل  
عيل بيجي ربنا بيفتح لك باب رزق معه - 00:22:49

نحن نرزقهم واياكم نرزقهم. قبل ما ابعت لك انا بابعت له انت ما لك انت هو انت اللي اجريت اللبن في صدر امه! هو انت اللي وصلت  
الحبل يأكله ويشربه تسع شهور في بطنه امه انت! هو رزقه عليك نحن نرزقه واياكم! انت بتأكل من خير ربنا وهو هيأكل  
من خير ربنا! سبحانه وتعالى - 00:23:09

عشان كده يا شباب من الغلطات القاتلة. اما اجهز نفسي ابقي اتجوز. الكلام ده غلط يا اخوانا. او من استطاع منكم الباءة فورا  
فليتزوج. بقت تقدر تجيب مؤقت او عندك مكان مسلا في بيتك او تقدر تبني مسلا حاجة على فوق على السطح عند والدك تقدر  
وتقدر تقرشه ابسط فرش - 00:23:29

مبلغ بسيط جدا بيقى دخل شهري. قدرت من استطاع منكم الباءة ان يبوء امرأة منزلا فليتزوج خلاص اتجوز على طول الجواز كفاية  
حديس النبي عليه الصلاة والسلام ثلاثة حق على الله عونهم. ربنا يعني جعل حقه عليه انه يعينهم منهم الناكح يزيد العفاف -  
00:23:49

اللي بيتجوز وعايز يعف نفسه ده ربنا حق عليه انه يعينه. ده ده وعد النبي عليه الصلاة والسلام. وعد من الله سبحانه وتعالى يبقى  
ازاي انك انت تغفل عن هذا الباب العظيم باب الزواج - 00:24:09

قال الله عز وجل وليستعفف الذين لا يجدون نكاحها حتى يغනهم الله من فضله على فكرة فيه قول حلو او في الاية دي. ان حتى  
اي من اجل وليستعفف يعني خليك عفيف. انا مش لاقني اتجوز. خلاص ما تدخلش موقع اباحية. ما تبصش على بنات الناس -  
00:24:19

ما تعملش علاقة حرام. ما تدخلش في شات حرام. آآ ما تروحش تقع في زنا. استعفف. اتق الله في بنات الناس. حتى وليس عفف  
الذين لا يجدون نكاحا حتى اي من اجل عشان حتى يغනهم الله. عشان ربنا يديك فلوس ويجوزك استعفف - 00:24:37

يبقى من اسباب الرزق الزواج والعفاف عن الشهوة الحرام حين العجز عن الزواج. دي من اسباب الرزق الواسعة من عند الله سبحانه  
وتعالى والا كلنا يا اخوانا كلنا كان دخلنا ايه انا قبل ما اتجوز كان دخلي في الشهر تلتزمت جنيه - 00:24:55

تلزمت جنيه وكتبت بقبض آآ حوالي مية وعشرين جنيه كمان بشغل ربعمية وعشرين جنيه ده قبل ما اتجوز طب الوقتي فضل ومنة  
الله معك كم ولد ومصارف حياتك ومصاريف بيتك منين؟ ربنا سبحانه وتعالى - 00:25:11

فتح باب ورا باب ورا باب عشرين سنة جواز عدوا ازاي ربنا كبير ربنا قادر سبحانه وتعالى وما فيش باب بيتفقد الا ويتفتح  
الا اوسع منه آآ آخر حاجة بقى - 00:25:26

يعني ممكن اكون بدأت بها واختتم بها الافتقار يا جماعة. الافتقار الى الله سبحانه وتعالى والدعاء. والدعاء لله سبحانه وتعالى. لي  
واحد حبيب يعني زينا يا جماعة يعني مع شوية معهوش شوية بيقول لي يعني سبحان الله العظيم قبل الحلقة دي على طول بيقول

لي انا العشة الاواخر من رمضان - 00:25:38

كان معييش فلوس خالص خالص يصرف على زوجته وعلى ولاده وعلى اهله بيقول ما عييش فلوس خالص. بيقول احنا كلنا اعتكينا في آآ يعني رمضان اللي فات عشان زروف كورونا كل واحد - 00:25:58

في حنة مع اتنين ثلاثة كده اعتكفت لوحدي في اوضة وفضلت عشر تيام ادعى ربنا باسمه الفتاح عشر تيام ادى ربنا باسمه الفتاح وباسمه الوهاب على فكرة الكلام ده من كم شهر اهو من كم شهر الاعتكاف بتاع كورونا ده اهو - 00:26:12  
الشخص اللي انا بكلكم عنه ده من ملاك القناة اللي انا بدي فيها دهي اللي انا بكلكم عنه دلوقتي ده ايه؟ من ملاك هزه القناة. ربنا قادر ربنا قادر سبحانه وتعالى مد ايدك افتقر - 00:26:27

افتقر اشتقت مد ايدك يد الله فوق ايديهم. ايديك مدها ايد ربنا تنهر علينا العطاءات. منها العطاءات عليك سبحانه وتعالى. عشان كده من التداعية الخطيرة لقضاء الديون. اللهم اكفني بحالك عن حرامك. دخلي مش مكفيني يا رب كفيفي انت يا رب. اللهم اكفني بحالك عن حرامك واغنبي - 00:26:39

بفضلك عمن سواك. احفظوا الدعاء ده قوي. الدعاء ده من اسباب سعة الرزق. ومن اسباب قضاء الديون. والدعاء الثاني اللي تحفزوه اوبي. اللهم اني اعوذ بك من الهم والحزن واعوذ بك من العجز والكسل واعوذ بك من الجبن والبخل. واعوذ بك من غلبة الدين وقهقه الرجال. الدعائين دول - 00:26:59

بالزات الاولاني احفزوهم من اسباب قضاء الديون. فاكرين الاولاني اللهم اكفني بحالك عن حرامك واغنبي بفضلك عمن سواك اخر حاجة بنهي بها الحلقة السابعة لان الحلقة الجاية ان شاء الله هراجع لكم على الستة وعشرين سبب. او سبعة وعشرين سبب كمان اللي انا انكلمت عنهم سلسلة المفاتيح كلها هجيبيها لكم - 00:27:19

مرة واحدة بازن الله عشان نحفر نحفر يا جماعة ده مستقبلنا يا اخوانا ده مستقبل ده الایف ستاندرد بتاعنا. ده ده الامن القومي بتاع حياتنا. نعمل ايه في الزمن الراهيب ده؟ وغلاء الاسعار دي نعمل ايه؟ نروح فين - 00:27:41

ربنا مدینا المفاتيح بتاعة خزاینه. ما نضيعهاش اخر اثر. اختتم به بقى قبل ما اسيبكم في هزه الحلقة يعني احد السلف يقول آآآ مات عمر بن عبدالعزيز وترك احدى عشر ولدا ساب حداشر ولد. ومات عبدالملك بن مروان اللي هو ابو - 00:27:54

فاطمة بنت عبدالملك مرات عمر ابن عبدالعزيز اللي هو حمادة كان خليفة الامة كلها. وترك احد عشر ولدا. عمر ابن عبدالعزيز لما جه يموت ما رضاش يسيب لولاده حاجة من بيت الملك - 00:28:11

لدرجة ان الذهب بتاع مراته فاطمة بنت عبدالملك اللي ابوها خليفة وجوزها خليفة سيدنا عمر واخوها خليفة ده رجعه البيت المال. فما رضاش يدي لولاده حاجة وقال ان يكونوا صالحين فالله يتولى الصالحين. عبدالملك ابن مروان ساب لكل عيل من عياله عشر تلاف دينار. الدينار ده تلات اربع تلاف جنيه الوقتي يعني تلاتين اربعين - 00:28:21

مليون جنيه. يقول راوي هذا الاثر يقول والله لقد رأيت احد ابناء عمر ابن عبدالعزيز يحمل مائة فرس في سبيل الله. بيترع بميت فرس للجهاد في سبيل الله. ولقد رأيت احد ابناء عبدالملك ابن - 00:28:41

مروان يسأل الناس ربنا الرزاق وعلاقتك بربنا وعلاقتك بربنا هي اساس الرزق. ازاي نعرض عن الرزاق عشان الرزق ازاي نهرب من الرزاق ونعصي الرزاق عشان الرزق؟ ده هو الرزاق وسمى ناس الرزاق عشان نعرف ان مفاتيح الرزق كلها في ايد ربنا. اللهم وسع ارزاقنا - 00:28:58

اللهم وسع ارزاقنا على طاعتك وابتغاء مرضاتك. اللهم اكثرا موالنا وولادنا. وبارك لنا فيما اعطيتنا واغفر واحسن عملنا. اللهم يا ربنا اللهم انا نسألك العافية وتمام العافية ودوام العافية. والشكر على - 00:29:19

عافية. اللهم انا نسألك الهدى والسداد. ربنا اتنا في الدنيا حسنة وفي الآخرة حسنة وقنا عذاب النار. اللهم اكفنا عن حرامك واغتنا بفضلك عمن سواك. اللهم امين. سبحانه الله وبحمدك. اشهد ان لا اله الا انت استغفرك - 00:29:39  
واتوب اليك جزاكم الله خيرا. تجلت في الورى تهتف بها واجعل لقلبك من انا فتحنا ميسرة فتحا مبينا ليس فيه انا فتحنا والفتح

ميسرة ميسرة فاتحة مبينا ليس فيه تعسرا - 00:29:59

اسماؤه الحسنی تجلی - 00:30:49